

I. A.

LINEAMENTA SARMATICA,

SVB

PRAESIDIO
CONRADI SAMVELIS
SCHVRZFLEISCHII,

publice asserenda

a

IOANN. CHRISTOPH. ALBERTI,

*Hab. in Audit. Publ. A. 1670.**d. 1. Octobr. bor. antem.*

CVM PRIVILEGIO SEREN. EL. SAXON.

Disputatio XXI.

LIPSIAE, Apud NICOLAVM SCIPIONEM.
clb lbc XCIIX.

ATMOSPHERIC

STATION

CLIMATE

STATION

STATION



SCRIPTORES.

I.

Post Pomponium Melam, Plinium, Tacitum, Ptolemaeum, Iornandem, gentis huius, sub notione Polonorum, sive Bolanorum, meminerunt in primis Ditzmarus Merseburgensis, Henrici II. aequalis, VVippo, Conradi Saliqvi Sacellanus, Otto Frisingensis, Gottfridus Viterbiensis, Helmoldus.

2. Primo, quod a C. N. elapsum est, seculo Sarmatae, et Venedi, ac diu ante Heneri, sexto Slavi Slaviniqve, amplissimo diffusarum a Borysthene ad Vistulam gentium nomine passim celebrantur. Inde, veluti adolescente medio aevo, Polonos appellatos esse constat.

3. Recentiores, qui a sec. XV. et XVI. numerantur, sunt Aencas Sylvius, Ioannes Duglossus, Matthias Michovius, Alexander Gvaginus, Martinus Cromerus, quos uno volumine recensuit Ioannes Pistorius Nidanus. Praeter hos ad origines eruenda adiumentum afferent Io. Matthias a Sudetis, et Iodocus Ludovicus Decius.

4. Martini Cromeri epitomen adornarunt Salomon Neugebauer, et Ioachimus Pistorius, alter Hermanno Conringio, alter M. Zvv. Boxhornio est impense laudatus.

5. Ab excessu Sigismundi Augusti, non in scire commentatus XII. libris Reinholdus Heidensteinus est, cuius et exant de bello Moscovitico libri VI. in volumine historiae Crome-
rianæ, A. 1589. Coloniae Agrippinae editi, qui in recensione Pistoriana desiderantur.

6. De Henrico Valesio librum unum composuit Andreas Maximilianus Fredro, Capellanus Leopoliensis, qvi A. 1660. Gedani excusus est.

7. Rebellionem Russicam complexus est Paulus Piasecius, scriptor domi prudens ac fidus, in exteris incautus negligensque. Cum quo coniungere licet succinctum commentarium A. 1653. Regiomonti evulgatum. Ex utrisque sua derivarunt Adolphus Brachelius, et novissimus scriptor belli Cosacici Germanice redditi.

8. Iuri ac legibus Polonicis operam impenderunt Herburtus, Theodorus Zevvack, cuius processus, ut dicitur, iudiciarius Varaviae lucem vidit A. 1647. Adiungatur Andreas Lipski a Lipe, cuius practicae, quae vocantur, observationes A. 1648. ed. causidicis inserviunt: sed eiusdem decas quaestionum publicarum in parte publici iuris non plane nullum momentum habet. Conf. Iacobus Prilussius, aliique. Ad fori Lithuaniae, quae Poloniae innexa est, controversias nominatur Petrus Roissius: reliqua, quae ad huius descriptionem pertinent, abunde suppetunt in Moscovia Sigismundi ab Herberstein.

9. Scriptum, cui titulus est, publicae innocentiae manifestum, in causa Lubomirskiana, et plerisque regni actis pervirendis idoneum, et hodie in ipsa Polonia perrarum est, primo in Polonorum vernacula, deinde Latina Lingva compositum.

10. Quantum ad civiles regni rationes, fere admirandum se praebuit Vlicovius, summo B. B. iudicio insignis, et accurate solertiaque nulli postferendus. Schedae de morient. Pol. servanda, ac similes, saepe quidem utiles, at nimis interdum vulgares sunt, ut facile inter has excellat, quod novissime prodiit, sub nomine Censurae Candidatorum Poloniae.

I. N. I.

I.

P Rincipio Polonia Duces habuit. A Ducibus inde Reges elegit. Regum circumscripita potestas. Optimum libertas magna, licentia maxima est.

II. Regnum hodie, si ullum, legibus astrictum. Leges, quibus regni innixum fundamentum est, duobus capitibus continentur. Alterum libertas Electionis, alterum Religionis est. Vtrumque codex sanctionum Polonicarum suggerit. Vim, nervum, robur a Comitibus Varaviensibus (a) arcesso. His stabit regnum, si observentur. Ruet, (ne vero ruat) si negligantur.

(a) A. 1573. *Huc spectant constitutiones publicae, diplomata regia, quibus haec libertas repetitis vicibus firmatur. Memorandi hic Reges, Henricus, Stephanus, Sigism. III. Vladislaus IV. et qui nuper regno se abdicavit, Io. Casimirus. Sed in primis memoranda hic fuerat sanctio Iagellonica.*

III. Primus Regum memoratur Boleslaus Chrobry. Sed vero audacius, quam verius. Quod velim aequo animo accipiant Crantzii, Ioan. Cluverus, Ioannes Laetus, Georgius Hornius, Fr. Sansovinus, Arthurus Duck, Antonius Albizius, Christianus Matthiae. Sed neque hi soli. Restant plures: Ioannes Sleidanus, scriptor aliqui gravis et probus, Lucas de Linda, Ioachimus Pastorius, Henricus Bangertus, et quem hic sequitur, Gvaginus, Auctor novissimus Polonici status, innumeri demum alii. Vnum id impense hic miror, cur Polonici scriptores, iique non vulgares, tantum sibi indulgeant, ut patrocinentur errori. Quum non plane nullum hic suppetat argumentum, fuisse tem-

pus, quo Polonia colere Imperatorem, colere Imperium debuerit. * Quod tamen aegre faciunt Poloni, iam dissimulantes, quae scribenda erant, iam scribentes, quae tacere praestitisset. Notatus hic multis naevus est. Ex omnibus seligamus (b) Conringium, testem parum laudandi moris.

* *Chron. Pegaviense ad A. 1135. Otto Frising. Chron. VI. cap. 28. VII. cap. 19. Sanblasianus app. cap. 7.*

(b) *Cap. 18. de F. I. G.*

IV. Qui edisserunt hoc loco familiarum vicissitudines, non impingunt semel. Scriptor novitius *des Polnisch. Königs Stamms* / XII. recenset interregna. Sed abhorret is loquendi modus ab accuratione civili. Nec pensis is habet distingvere Ducum tempora a Regum. Utinam vero praeter hunc lapsum nullus superesset alius. Sed mendum augetur mendo. Inter exempla sunt, qui in tradendis Poloniae dynastiis operam ponunt suam. Alii sex, alii plures, multi pauciores numerant. Io. Buno (c) Dynastiam inserit Zechidarum. Verum haec ad Boiohemos pertinet, non ad Sarmatas. Nisi tamen Cracidarum dictam cupit, a Craco auctore appellatam. Qui rem in compendium redigunt, 1. recitant Dynastiam Lechi, unde surrexit familia Lechidarum. 2. (d) Craci. 3. Przemislai. 4. Lesci. Hinc progenies Lescidarum. 5. Piaſti, civis Crusvvi-
zensis, filii Gosfifconis, ut produnt Sarmatici annales. Ab eo profapia Piaſteorum, seu Piaſtidarum, (e) quae nondum desit. Reliquias Silesia habet. 6. Iagellonis, qui Iagellonidum conditor. Hoc ad regni clavum subducto, Piaſtei, qui Silesiam colebant, Principes, sive odio, sive ultione excitati se suosque regno Bohemico illigare coeperunt. Sed manifesta haec omnia. Videamus iam, quid Sarmatae expediat.

(c) *Sec.*

(c) *Sec. IX. Hist. univ.*

(d) *Vnum hic notandum, omitti δαδικαρχος, seu Palatinos, vulgo Vainodas, qui binis civibus interferendi (1) Post Lecbum (2.) Post Cracum. Praeter hoc addo, verum eumque indubitatum historiae Pol. characterem incipere cum Piaſto. Anteriores multa ἀδηλα comitari. Ne μὴ δικά dicam. Proinde hic, si usquam, iudicio opus est.*

(e) *Vid. de his Aut. Cens. Cand. Polon. Conf. alii, qui reſſe memorant, eos primum veritatis diviniſis lumen Sarmatiae intuliſſe.*

V. Regni caput (inde enim auſpicari libet) Cracovia eſt. Civitas vaſta magis, quam valida. (f) Percuſit huſius rei cogitatio multorum animos Regum. Praeſertim Sigismundi Auguſti, (g) ut qui penſaret, quanti intereſſet, Cracoviam muniri. Laudabilis haec ſollicitudo, ſed Ordinibus odioſa. Nempe exiſtimaverant hi, munira Cracovia, nova ſibi inſtare fata, libertatem in diſcrimine fore, regem ad regiam poteſtatem graſſaturum. Hinc reſponſum tulit, Polonos virtutem lacertis oſtendere. (b) Muris, arcibus, caſtris non delectari. Verum latebat metus affectandae dominationis. Regem praetextu ſecuritatis moliri Monarchiam, una omnium ſupicio fuit. Prudentiam interpretabantur Poloni. Sunt, qui admixtum quid imprudentiae colligant. Diſceper, decidat, qui velit; velit, qui poteſt. Ego dixiſſe ſatis habeo, publicae intereſſe rei, ut privatae ſuſpiciones publicae utilitati remittantur. Hoc magis, quod alia Polonis in promptu ſint ſervandae libertatis instrumenta. Sed age oſtendam, quid hinc emergere damni, quantum conſlari Chriſtianis periculum poſſit. Fingam irritari Turcas, colligere exercitum. Vno impetu effundi in Sarmaticos caſtupos. Omnia praeda hoſtis erunt, priusquam iuſta acie cum hoſte decernatur. Quid ſi fortuna belli, ut ſubinde mutabi-

tabilis est, refragaretur? Sane conclamatum foret, cum neque praesidium victis, neque asyllum subditis superesset. Quos tamen habere omnes aequum est, quo fugiant ad salutem, quo fortunae, et quicquid carum est, perferant. (i) Atqui id iam liquet satis. Et nisi liquet, testari Varadinum potest, quantum in arcibus et castellis situm sit momenti. Quippe compertum, amisso Varadino, periclitari Vngariam iuxta et Transylvaniam coepisse: Cosacos Osmannidarum iugo se submisisse. Tantaе utilitatis est, extruere arces et tueri exstructas.

(f) *Arx civitati imposita, ubi veterum Regum conspicua monumenta.*

(g) *Vid. Ios. Maria Maraviglia Hermet. Coelest. p. 94.*

(h) *Imitantur Poloni Spartanos. Sed desit seculum illud Spartanum. Desierunt Spartanorum mores.*

(i) *Pensant tamen banc arcium propugnaculorumque iacturam varii montes, quibus includitur, diversa flumina, quibus interluitur Polonia. Sed naturae hic subsidium debetur ab arte.*

VI. Quamquam ergo magni aestimem Sarmatarum virtutem, nec ignorem insuper, Tataris Turcisque admodum formidabilem esse hanc gentem, tamen necessitas temporum exigit, et ipsorum Polonorum salus, ut communiant civitates, excitent arces, omnia denique comparent ad publicam securitatem.

VII. Cum de munimentis, deque munimentorum necessitate expono, subit recordari Kamienici. Hoc sustinendis Tatarorum incursionibus suffecturum aiunt. Sed sufficiat Tatarorum. Forte tamen pertinaciae Turcarum non sufficiet. Quin forte fama maior vero, quae ad nos de operibus munitionibusque Kamienici perlata est. Tum vero sentiunt non pauci, Tataros iam dudum Kamienicum * occupaturos fuisse.

fuisse, ni impetum cohibuisset prudentia Turcarum. Vt quorum quasi beneficiarii Tatai sint, intenti ad eorum nutum, et parati sequi signa, cum velint. Turcis autem huius consilii non aliud pretium est, quam formido. Cohorrescunt enim, cum inaudiunt de auxiliis Germanorum, et qui Septentrionem colunt. Hos vero, iudicant, nolle destituere Polonos, dum unus apud omnes metus est crescentis potentiae Turcarum, qui vel invitis extorquere arma potest. Et vero communis Christiani orbis causa haec est, quae copulare dissidentes debet, ut obex tandem ponatur posteris Oslinanni.

* *Simon Starovolscius in Polon. p. 114, refert, oppidum esse et natura loci manuque permunitum, nec refragor, si et sentiat pro conditione Podoliae, et loquatur. Subscribit Starovolscio Alexander Gbagvinus in descript. Pol. et non modo arcem muro propugnaculisque firmatam, sed civitatem etiam, ob rupem accessu arduam, ferme inexpugnabilem esse, scribit. Quicquid eius sit, parum laetus nuper allatus nuncius est, venisse in Turcarum Tatarorumque, quos antebac strenue repulerat, potestatem: Quae ut quamprimum recuperetur, afferaturque pristino domino, et Germaniae, et universi septentrionis interest.*

VIII. Ut merito iam invehamur in eos, qui solius quae-stus causa Turcarum se applicant partibus. Indignum sane Christianis, stare adversus Christianos, deserere suos, assistere impiae genti. Et vero Deus, pietas, amor, quae Christianos copulant cum Christianis, iniquissimo exemplo adversantur. Relinquatur impia adeo colluvies sibi. Retineat sordes suas. Christiani iungantur Christianis. Foedera, societas, amicitia, sancta nomina sunt. His dignari Turcas, probrosum orbi Christiano. Impium quoque, accedere barbaris, adversari suis. Praetextus commerciorum pulchre quaeritur, solide non stabilitur. Certe nemo probaverit hunc morem, quum Christianus Turcae exerat societatem, ut noceat Christiano. (k) Speciosa

quorundam commenta multum ostentationis, parum pietatis, minimum laudis habent.

(k) *Rationem reddit Petrus Santerna Lusitanus, quod sint inimici imperii, et Christiani nominis, quod Christianos persequantur et sedibus expellant, tr. de affect. Ed. Lugd.*

IX. Revertamur ad institutum. Potentia Polonorum terrestribus, opes in agro, vis belli in equitatu ferine omnis est. Maritima potentia naturae magis donum, quam fortunae et artis. Hac carent Poloni, pollent Hispanus et Veneti, veteres Osmani imperii hostes. Ceterum divitiae agrorum nec nullae, nec nimiae. Commerciis demum regna efflorescunt. Sed genius Polonicae gentis vix capit. Haud exiguo, ut creditur, regni damno. Praeter equitatum, qui validissimus est, (!) cura peditatus esse (m) debet. Ut habeat, quos opponat Praetorianis. Spahis enim haud dubie est resistendo.

(l) *Rex 140000. (alii 200000. recitant) Nobilium educere in aciem potest. si imminet periculum, si imminet hostis. Expeditio haec apud ipsos Postpolite Russenae audit. In proxima expeditione ultra 100000. fuisse memorant.*

(m) *Iam olim Tacitus Sarmatis obiicit ignaviam ad pedesres pugnas. Hist. I. Ego monere malim, quam tale quid obicere. Sed Sarmatae fortasse ipsi dubiam obiciunt fidem.*

X. Aestimavimus satis excitatam Polonorum indolem, animum bellicarum rerum capacissimum. Lustrabimus popularium erga populares iam fidem. Pro patria oppetere mortem, ducunt laudi. Pro salute regis capere arma, corpus oblicere periculis, omnia denique experiri parati. Transfugam fieri, summum ibi scelus. Comitari regem in quacunque fortuna, decus interpretantur. Multas gentes ferro in reges saeviisse, compertum. Poloni servarum regum gloriam tulerunt. Dissentire quidem et obniti, indignarique insuper saepe, et cedere irati animi signa, non rarum. Sed manus regum im-

imbuere sanguine, et insontes deponere ad necem, generoso haecenus populo piaculum fuit. Magna haec fides, gloria autem fide maior, pietas longe maxima. Paucos excipimus, quibus sensum obsequii live innata ferocia, seu pertinacia excussit. Hos rebus studuisse novis, recessisse a fide erga Reges, exuisse reverentiam, sicut notum, ita universae genti nequicquam imputandum.

XI. Perspicaciam gentis colliget, qui, ut cauti sint, et regum scrutentur destinata ac mores, apud animum expendit. Piaſtidas ad Caſimirum usque M. nulla religione astrinxerunt, successores vero hoc obligare vinculo, consultum putarunt. Prorsus ut appareret, libertatis retinendae tenacissimos esse. Sic regum coerciti spiritus, sic evitatum servitutis iugum, sic privilegia retenta atque immunitates vindicatae omnes. (n)

(n) *Non multo secus, atque Teutones, qui Caroli V. antecessores laxius, Carolum V. arctius ex Imperii utilitate legibus astrinxerunt. Vide Sleid. et ex eo Stirn. Nomoth. t. 4. §. 6.*

XII. Monui de Caſimiro M. Princeps is animi plenus et rarae exemplum benignitatis. Hic Poloniam lateritiam accepit, non multo post marmoream fecit. Beneficiis Ordines, plebem, magnos, medios, minimos, omnes sibi devinxit. Rusſiam in provinciae formam redegit. Leges, cultum, decus in Poloniam intulit. (o)

(o) *Vid. Aut. Anonym. in Piaſt. Ioachim. Paſtorius in Caſimiro Magno. In eo deſierunt regnare Piaſtidae.*

XIII. Auspicata haec regno omnia. Auspicatiora ferme in Vladislao Jagellone. Qui Lithuaniam Poloniae innexuit, ut hodie utraque eodem civili vinculo contineatur, eodem iure regatur, eodem demum obsequio eidem Principi pareat.

XIV. Haud secius caput extulit in Caſimiro III. qui Prussiae addidit. (p) Prussiae exemplum secuta Livonia est. Hanc Poloniae adiecit (q) Sigismundus Augustus, augendis regni finibus

occupatissimus Princeps. Ceterum habeo, quod desiderem cum prudentibus in Sigismundo III. qui Cracoviam, inclutam veteri Regum sede civitatem, Varavia mutavit. Omne parum prospero, consilio minus utili, eventu certe non salutari. Adeo verum est, mutationes sedium auspicia nunciare nec prospera semper mutantibus, nec laeta iis, qui mutantium imperia colunt.

(p) *Notat hic aspere Albertum Teutonici Ordinis Magistrum Besold. l. P. Pars. 3. c. 4. p. 235. Excusant moderatores. Notas vicissitudines peculiari servo argumento. Borussia Ducalis soluta iam beneficiario vinculo est, quod constat ex transactione Velaviensi. Cessit enim El. Brand. ut supremo Domino, soluta fiduciarione nexu. Conf. dissertatio nostra de rebus Prussor. ad §. 23.*

(q) *Livonia in sanctionibus novissimis iam dispefcitur in Svedicam et Polonicam. De hac quid, Moschi respectu, publice cautum nuper sit, apparet ex sanct. Pac. Oliv. c. 5. §. 1. De Livoniae attingi in Cis et Trans-Dunanam divisione Geographi plenius agunt.*

XV. In Stephanum Bathorium parum aequos deprehendo Sarmatas. Periculum metuerunt libertatis, forte quod regis potius, quam regni haberet rationem. Suspectus enim, insidiari iuribus, insidiari libertati. Regis quoque, id est, sui potius, quam regni aestimare utilitatem videbatur. Hinc indignantium voces, querebrae mutati in publicum amoris. Designare Ordines, proscribere Zhorovios, denunciare poenam inter Praefules summo, abrogare Proceribus officia, disponere de Provinciis beneficiariis libere, intolerandum genti. Nec de Vladislao IV. una omnium opinio fuit. Multi enim niti solito altius, et plus moliri, quam par esset, et regiam complecti animo vim, coniecerunt. Nimirum prona Martii regibus via est ad dominatum.

XVI. Haftenus de Regibus monitum. Summa eo spectat, ut materiam diffidentiae, aemulationis, litium amoliamur.

Ca-

Captare arbitrium, omnia moderari pro nutu, libere ferre sine Comitibus leges, statuere quid sua sponte, decernere sine consilio consensuque procerum, Senatus, ac Nunciorum terrestrium, in Polonia inauditum. Regem habere Ordines malunt, quam regnatricem domum. Regnum electione deferunt. Nec tamen plane nullam successionis habent rationem. (r) Praetereire heredes possunt, haud tamen praetereunt facile. Nisi cogat necessitas, nisi flagitet regni servandi cura, nisi causae admoneant gravissimae, et sine dispendio salutis publicae non negligendae. (s) Scriptor quidam non inscitus diserte tradit, Senatorum iudicio consentaneum esse, Rempublicam se potius habere, quam regnum. Ceterum scriptoris illius maius in Ordines studium, quam in Regem. Fatendum alioqui, Optimates magno se efferre splendore, et caliginem inducere Monarchiae pleniori. Optandum, ut concordia utrisque constet, et firma tranquillitas duret, et ipsa maneat aeternitas rerum. Fiet id, si reges ament suos optimates, hi colant suos Reges, utrique studeant publicae utilitati. Si meminierint Reges, regnum se habere astrictum, Senatum esse liberiores, si Ordines foveant Camillos, si expellant Marios, si Sullas detestentur.

(r) *Qui Scholis operantur, regna electio successiva appellant.*

(s) *Aut. moment. Polon. servand. rat.*

XVII. Novum invitat de Comitibus argumentum. Ius incendi penes Regem, statuendi potestas Regi cum Senatoribus et equestri Ordine communis. Vtri horum praepolcant, haud quacere opus. Sciunt, agnoscunt omnes. Prudentibus sane hinc indicium, Poloniae regimen potius Reip. convenire, quam regno. (r) Ordines aut sacri, aut profani. Vtrique regni Senatores. Post eos Delegati Nobilitatis sedendi ius nacti. (u) Sententiae tamen dicendae praecipuum apud hos pondus. Si quid proponi decernive oporteat, referunt ad Senatum. Leges

vero a Senatu accipiunt nullas. Potius Senatus ad eos, quam ipsi ad Senatum se accommodant. Tanta Nobilitatis auctoritas est. Senatus exhibet Optimates, Nobilitas Populum, Delegati Nobilitatis Tribunus. Ceterum Comitia Polonorum ut plurimum sunt paludata. Nempe stant sub dio, stantes stipant militares turmae. Haec cum aguntur, coeunt deliberaturi, post deliberationem definiunt, si tamen definiunt semper. Atqui hic dubitaverim cum Senatorum, tum Nobilitatis ingenuum morem, quod reges mereri regnum, non mercari velint. Qui hic dubitat, excutiat annales, indaget acta publica, vestiget experientiam, inveniet, quae indicamus.

(t) *Casp. Ens de Reg. Polon. Tb. Pol. ap. 15. De cetero per occasionem Regni, mentio succurrit Abbatis Casinensis Vincentii Sgualdi, qui pulcherrime Reipubl. quatenus optimatum iure regendae, rationes, exempla, exemplorum nexus ostendit. Addit etiam forte possunt, quae de rationibus Reipub. cum antiquae tum hodiernae eleganter ordinavit iudicavitque Pompeius Caimus in Parallel Polu.*

(u) *Albus. cap. 33. Lind. descript. Regn. Pol. Popping. in O. I. Huc Dav. Frolicb. in Viator. lib. 3. p. 47. 48.*

XVIII. Nobilitas Poloniae seminarium pariter et praesidium est, Nobilium eadem dignatio, par ius, aequalis libertas celebratur. (x) Ab his multi Principum surrexerunt. His necessitudine immisceri, Principibus saepe non indecorum, neque inglorium est visum.

(x) *Vid. Seara volscius. Aut. Cens. Cand. Pol. Autor Gallicus quidam, cuius nomen latet sub literis D. T. V. T. de P. Estat du Roy de Pologne. Sansovinus del governo del regno di Polonia.*

XIX. Omnia, quae sentimus, dicere non expedit. Alia aut servanda domi, aut relinquenda expertis rerum. Tradamus nihilominus aliquid de hodierno Rege. Isa (y) Visnioviecia dux, a sanguine Korybuthius, eoque Iagellonidis vinculo agnatio-

tionis annexus. (ε) Ultima origo ex Lithuanis. Praenomen Michaelis: In praenomine augurium diadematis feria Michaelis imponendi fuit. Auspicia rerum gerendarum prospera, ingenium perspicacissimum, animus ingens multisque artibus imbutus, experientia singularis explendescit. Nihil in eo considerant boni, omnes sperant bene. Hinc studio Nobilitatis provectus, hinc ad regni clavum subductus. Attritae quidem paternae opes sunt Cosacico bello. Animus tamen semper idem viguit, infractus nunquam. Omen hoc olim accipiebamus altioris fortunae. Exitus non deluit omini.

(γ) *Alii VViofnievdiez, alii VViofnovdiez, multi VViofnovdiez, nonnulli Viofnovdiez scribunt. Is Numae potius, quam Romuli ingenium habet.*

(2) *Demetrius Korybutus frater Iagellonis. Familia utriusque Principalis, ultima origo traditur ex Italia a Columnis. Columnas arcessunt a Germanis. Ex Stricovio observant, VViofnovdieziorum et Sbarasciorum Antecessorem appellatum. Huc referunt Diploma Fidelitatis d. 1386. concinnatum. Et Starovolscius annotat monumenta aliquot VViofnievdieziorum Ducum.*

XX. Summa huius Regis cura, ut tempestatem ex Vkraina impendentem avertat. Et profecto avertet, si de consilio eius res regatur, * si reconcilientur rebelles, si cum regno redeant in gratiam Cosaci, si Ordines denique, cum opus fuerit, non destituant optimum Regem. Impiae seditionis Russorum memoria nondum exolevit. Vitari potuisset malum, si Russici ritus relicta libertas fuisset, si, quod ex promisso debitum erat, regni curia dependisset, si maior erga eos praefectorum regionum moderatio apparuisset, si avaritiae Iudaicae nihil in ipsos liquisset, si denique in nulla libertatis parte damnum ad illos redundasset. Mittimus alia quærimoniæ capita. Tantummodo hic monemus, vitandum esse Russicum istum Sullam. Hunc vitare, est praesens periculum vitare et fraudem. Quid mi-

mirum? Turbidi ingenii homo est, et profundae simulationis. Fidei quoque anceps et mutabilis in momenta. Tum promittendo paratior, quam servando. Omnia illi ludus. Etiam religio pactorum. Hoc observandum regi, observandum regno est. Ad ultimum, elegans in Viosnievicio Polonici exemplum moris. Scilicet Reginas a Germanis sumere malunt, quam Reges. Suspecta adeo Germanici nominis magnitudo. A sexu seqviori non perinde metuunt. Hunc regi potius, quam regere debere aiunt. Iam plures ex Austria reginas acciverunt. Novissime documento Viesnievicius est. Cuius et regnum fortunet Deus et torum. Illi felicitatem, huic foecunditatem largiatur.

** Alius hoc A. 1672. eventus, atqve superiori consilium fuit. facta in Polonia pax est, sed magna Polonorum iactura: Podolia nunc gemit sub Turcarum iugo.*

XXI. Regibus olim concessa abdicandi libertas. Multa hinc in Remp. mala, plurimae calamitates. Iam melius provisum regno, libertati isti obex positus. Argumento Viosnievicius est, regno se, donec vivit, ex lege non abdicaturus. Id religiose promissit: religiose implebit.

XXII. Sequitur, ut tradamus, quid Polonia reponere in se, quid tribuere exterorum auxiliis debeat. Non negamus, nimiam fiduciam sui, saepe initium miseriae esse. Nolumus diffiteri tamen, Poloniae domi potius vires quaerendas, quam foris. Auxilia aut saepe sunt fera, aut non suffectura. At id quidem facere Polonis in expedito est. Gens numerosa, et idonea insuper bello, et tanto aliquando magis resurrectura, quanto maior ruina fuit. Probant id superiora bella, probant exempla bellorum. Assentiuntur Polonici scriptores. Idemque nuper Batavis suggestit quidam in opusculo, de eo, quod interest Bataviae.

XXIII. Piger hic refert, quod prodidit Thomas Campanella. Is securitatem Sarmatis certissimam pollicetur, si Poloniae cum Moscovia coniungendae rationes ineantur. Sed vanum

con-

consilium, vanius promissum. Diversa Moschorum et Sarmatarum ingenia, adversi mores. Dispar etiam regnandi ius, dispar modus. Imperium Czaris successioni innixum, nec circumscriptione potestatis. Regnum Polonorum conferendum electione, nec administrandum pro nutu. Servile obsequium Moschorum, liberrimum Polonorum est. Ne meminerim, quam pertinaciter sua colant sacra Moschi. Sua quoque Poloni. Nunquam adeo conciliandi, nunquam redigendi in unum corpus. Pontifex, Pontificis ceremoniae illis detestabiles. His contra Graecorum. Hos ergo coniungere pugnantes, componere dissidentes, iam diu desperavit Palatinus Czerniechoviensis. Quod indicio est, promississe Campanellam, quod nulla ratio futurum promittit. Ostentui ergo hic Monachus est. Magis Monachi simplicitas.

XXIV. Ceterum optandum est Polonis, recuperent Smolenskum, quo nuper exuti sunt a Moscho. Idonea haec regno olim civitas, (aa) unde inferre periculum hosti, et propellere licebat. Iam amissa desideratur. Nec vero sola. Praeter hanc provincia trans Borysthenem, cum situs, tum securitatis ratione utilissima Polonis. Repetere arduum, * relinquere periculosum. Hae diminutiones, belli civilis fructus. Non exiguus hinc metus, nec minus discrimen. Mature adeo providendum genti, ne gentis potentia iusto latius serpat.

(aa) *Laudant hic Poloni Gedani sui vires et fidem. Laudavit Pastorius in Casimiro III. Laudavit proxime Andreas Olšovvski, Polesaniae Procancellarius, et Regis sui Legatus.*

* *Tum propter belli ex bello rursus metuendi discrimen, tum propter passionem novissimas Moscho. Polonicas.*

XXV. Refert quoque ad institutum, nosse, Poloniae saepe plus nocuisse civilia, quam externa bella. Tutus Rex, tutum regnum, si discordiae fuerint sopitae, si compressae factiones, si extinctae rebelliones. Militem excire promptum, eundemque Scythicae gentis terrorem. Arqui vero iam tempus est, mea

Polonia, ut excias tuendo Borystheni. Iustus tibi, barbaris impius foedusque bellandi titulus est. Hi pro dominatione, tu pro libertate dimicabis. Aude, vindica Vkrainam. Aderit Deus. Aderit fortuna. Coepta bona bonus exitus sequetur. Verbo, vinctes, vincendo triumphabis, triumphando gloriam illustrabis. Imo vero illustres. Ut aut desinant te vexare, * aut subigantur, quum vexant, aut subvertantur, cum subacti resurgunt ad colligendas vires, ad turbendam regni tui quietem.

* *Inter regni curas praecipua haec est hodie, resarcire iacturam Podoliae: videre, quemadmodum Polonia ex tributaria iterum libera sit.*

XXVI. Quantum tranquillitatis servandae pretium sit, exploratum iam habemus. Alia denuo subit sollicitudo. Haec publicam spectat utilitatem. Cuius compendium cura numi. Proinde cavendum monetae: puniendi monetae adulteratores. Providendum quoque, ut cudatur moneta a probis, et materiae pretium, pretio materia respondeat. Nec vero indulgendum cuivis ius monetae. Ingens hic abusus, ingens abutentium scelus, unde damnum commerciis certissimum inferunt. Ab his ad Rempublicam, a Republ. ad universam humanam societatem serpit. Atque hoc cum tua coniunctum salute est, Polonia. (bb) Ruunt indulgentia in hoc vitium privati, privato quaevis intenti. Prospiciendum adeo, ne aut privatis eiusmodi concedatur potestas, aut si concedatur, in eos, qui adulteraverint, mature animadvertatur. Constituendum ad hoc certum in moneta pretium, constituendi, quos appellant, Zygoftatae. (cc) Saepe deliberaſti de his naevis, tolles tandem, et vindicabis privatos privatorum hominum mores. Iudaeos tolerare, omni licitum iure. Illos vero negotiis imponere, his fraenos laxare nimis, et omnium usurpandorum facere copiam, haud consultum. Turbarunt nuper monetae rationes in tantum, ut vicinae ditiones ingemiscant. Haec causa, cur multi civium facultatibus lapsi, cur plurimi mercatores exsultationis

nis fecerint iacturam, creditoribusque decoxerint suis. Tutum, mea Polonia, est, his obviam ire malis, et quod praecipuum gloriae caput est, cum regno ponere calculum, cum calculo conservare regnum.

(bb) *Vid. Aut. Conf. pro redint. Pol. reg.*

(cc) *Ad hoc vid. D. Zieglerus, vir mihi inter magnos magnus, et ut nostri aevi decus, ita exemplum futuri, in disp. de lur. Monet. Saltem adiicimus, auri argentique signandi us apud veteres sanctum fuisse semper.*

XXVII. De Monetæ remediis nil reperio, quod exponam ultra. Aut si reperio, huius scripturae excedit modum. Visum nunc deliberare, quid sit, quo regnum conservetur. Plurimi coelestis arcanum allegant, et ineluctabilem ordinem fati. Hoc facere, hoc stabilire Sarmatiae libertatem. Reddi adeo hinc rationem posse, cur facies, forma regni Polonici tibi conveniat soli. Nulli vero alii. Nil enim subesse, nisi occultam Numinis vim. Huic standum, huic acquiescendum esse. Et mirum certe, inveniri Respublicas satis confusas, quæ in ipsa durant confusione. Inveniri imperia, quorum forma paene sine forma, et præter regulam civilis legis. Manere tamen eadem, et retinere inter contumaciam ac dissensiones securitatem antiquam. Nos agnoscimus Deum regnorum statorem. Miracula arcemus. Respublicas confusione nutantes haud probamus. Vnum alterumve exemplum eas non munit. Quod rarum, raro tutum, raro diuturnum. Facile perituum, quod aegrum. Sic non secus casurum, quod prægravi mole inclinatum. Certa, non incipitia, Reip. conservandæ consilia habere, non expedit modo, sed etiam necesse est. Turbida ista et fallacia, et nil solidi habentia displicent merito. Si lubrica via sit, si deficiat, ubi pes figatur, promptus sane ad exitium gradus. Nos quid sentiamus, aut dicemus ex suggestu, aut monebimus privatim. Quod enim de colendis placitis maiorum, de peculiari temperamento gentis, de observandis sanctionibus regni, de fide Senatorum Ordinisque equestris, de rationibus denique militari-

bus hic recitatur, notum omne est, et solum certe non suffecturum. Alia eruenda, plura experenda subsidia regni habes, mea Polonia, modo utaris, nec tarda sis ad occasiones, nec ad mutationes proclivis. Mutationibus, si quae existant, remedia opponas matura. Interregnum vices longas procul habeas, et detesteris. Didicisti interregnum fata. Nocuerunt regnis aliis, noceant tibi, si diuturniora. Advigilasti nuper satis, et cum tot, mirandum, diversa Senatorum Nobilitatisque studia, essent, praecidisti moram electioni, sustulisti interregnum, vitasti discordiam, unde promptum alioquin seditionibus, turbis, bello civili alimentum.

XXIIX. Ducimus quoque, instituto convenire, ut Poloniae attingamus leges. (ee) Multis videtur, gentem bello assuetam de legibus parum laborare. Illud de populo Martio verum. Hoc nullatenus concedendum. Eo minus, quod cura belli non tollat leges; contra leges armis, arma legibus innitantur. Exemplo Princeps, cui non togae solum, sed belli etiam artes discendae. Et vero demus, cura armorum turbare interdum leges posse, everti tamen posse, confidenter negamus. Manifestum alioqui, et publicis notum argumentis, habere suas Poloniam leges, habere curias, habere tribunalia. Vtrisque additam dicendi iuris potestatem. Vetus retro aevi documenta multa. Memorabile saltem hic ad posteros est, iuri Tevtonico olim in Polonia fuisse locum, fuisse honorem. Illud vulgari nomine Magdeburgicum appellatur. Huius introducendi auctor non Casimirus M. ut tradit Ioach. Pastorius, a Ioanne Casimiro, dum regnaret, ad scribendam Sarmatarum historiam conductus, sed Lesko Niger. Causam exponit Conringius, multus in hoc argumento, nec indiligens diplomatis, quod Pastoriun deceptat, Casimiriani censor. Et vix est, ut assentiar Arthuro Duckio Anglo, qui Casimiro accepta refert auspicia primo instituti, deinde abrogati Magdeburgici Iuris.

XXIX. Servet dissertatio formam. Dictum de legibus : in-
fistamus ordini, et referamus de quibusdam. Leges comitetur
consuetudo, quani invaluisse accepimus post leges. Ordiamur a
furto. Furtum pecunia redimitur. Poena si est, certe non est
capitalis. Moribus Lithuanicis res furtim ablata ad dominum
non redit. Inventori quoque non cedit. Solum huius opus,
perferre ad iudicem; iudex servat sibi. Via ad recuperandum
domino interclusa; remedium vindicandi nullum. (nn) Ve-
niamus ad tutelam. Finitur tutelae munus, finito quinto deci-
mo anno. Secus, quam apud alias gentes. Alienandi multo
serior facultas. Inirium quintus et vigesimus annus. Sequitur
diversitas diversitatem. Liqvet haec in multis. Argumenta
habemus in praedio dotali, et iure testandi. Ignotum ibi no-
men iusiurandum, quod calumniae appellant iustitiae sacerdo-
tes. Haecenus discrepat a Quiritium iure. Mallent multi, ut
conveniret semper, ut discreparet nunquam. (oo) Praesertim
si iusta subest causa, si religio movet divini iuris, si sanctitas iu-
bet innatae legis. Averfatur Deus homicidia, homicidiorum
impunitatem maxime. Optamus, ut omnes agnoscant. Ma-
gni, an mediocres, an minimi, nil refert. Eodem omnes apud
Deum censentur iure. Qui regulam omnibus et singulis esse
voluit, NON OCCIDES. Homini adeo in hominem nulla
potestas necis. Deus vitam dedit. Deus adimere solus potest,
solus vult. Teneat ergo sua interfectores poena. Sed quae re-
spondeat delicto, quae penset delicti atrocitatem, et mensuram
impleat divinae legis. Non levis multa, sed supplicium posci-
tur. Luat sanguine, qui sanguinem profudit. Propterea nemo
sibi indulgeat, nemo sua abutatur dignitate. Homicidium vin-
dicandum morte est. (pp) Haec sententia summi iudicis. Haec
norma regnorum erit, rerumque publicarum omnium. Vos
appello, Sarmatici Nobiles. Sarmatiae munimentum estis.
Iustitiae quoque sitis. Eritis certe. Vestra exempla utilia regno,

salutaria sunt vobis. Manus afferre hominem homini, ne finatis. Saevitia est, non libertas, occidere quenvquam sine causa. Etiam nulla libertas, quæ contra leges. Legum vero hic nexus. Constitutæ cedunt divinis, divinæ regunt constitutæ. Quicquid peccatur in utrasque, peccatur in Deum, in vicarium Dei. Illud impietatis est, hoc improbitatis. Vos, qui animum pro regno habetis, qui curas pro regni gloria suscipitis, temperate gladiis adversus plebeios. Nunquam temperate adversus hostes. Barbaros istos dico, et, ut fama est, iam iam ex Scythia profecturos. Cavete, ne se, ne suos diuionibus vestris infundant.

(nn) *Ceteroquin de usu iuris Ro. in foris Poloniae vid. Duck. c. 2. cap. 11.*

(oo) *Accusat in hoc capite Polonos Spreng. d. 1. et discrimen eorum notat, quo assunt homicidium aliud capitale, aliud civile esse.*

(pp) *Vellem hic sanius locutus esset Tb. Hobbesius de Civ. cap. 6. p. 109. ubi non parum derogat innato iuri, Deo ipsi, huius auctori.*

XXX. Taedet hic morari. Respondecit, ut, quales olim Sarmatæ fuerint, dispiciam. Male apud Tacitum audiunt. Primo ignavia, deinde levior armatura exprobratur: postremo imbellium inuritur nota. (bb) Dubites fortasse, an assentiaris scriptori augustæ historiæ. Celeres subitque gentis imperus, celeres animorum motus facile aliud persuadent. Minus in Sarmatas iniqui rerum Scythicarum conditores. Facit nobiscum Pomponius Laetus, vir in eruenda antiquitate sicut diligens, ita acris. Is ex annalibus, quos excussit, optimis tradit, gentem fuisse ferocissimam, et hominum caedibus assuetam. (ii) Alibi recitat obstinationem gentis. Praeter hanc pugnandi ardorem. (kk) Promendum hic suffragium Flori. Qui tradit, Sarmatis non aestimari pacem, imo ne intelligi quidem. (ll) Haec quam conciliare arduum, tam promptum, ab altero dissentire. Sed causa dissentientis iusta, ratio dissentiendi sufficiens esse debet,

XXXI. Spectamus metam. Sed pauca restant, antequam perveniamus. Expediemus quasi in transcurso quodam. Dignum labore momentum, quod ad excutiendum veteris Sarmatiae statum pertinet. Illarum genti bellum a Romanis. (mm) Penetratum usque ad regionis fines. Viscera a bello intacta. Augusto Danubius belli Sarmatici terminus erat. Feliciores Tevtonici Imperatores. Conradus cognomento Saliquus vestigalem fecit. Henricus II. Boleslaum beneficiario iure sibi obligavit. (nn) Certa huius rei argumenta servamus historico instituto. De cetero Polonicorum dissensus scriptorum nil obest causae. Nunis asserunt nova, et solidae antiquitatis nihil.

(hh) *Nihil tam ad pedestrem pugnam ignavum esse scribit, quam Sarmatae. Et non tacite innuit, parum ipsis animi esse, ereptis equis, cum erudit, adempta equorum pernecitate, velut vinctos caedi. Non multo post levi gladio inermes vocat. Hist. 1.*

(ii) *Ro. Hist. Comp. Ed. A. 1510. in Constant.*

(kk) *In Valentin.*

(ll) *Meminit Tacitus Roxolanorum. Hi VVillicbio Basternae, alii Russi Moschique sunt. De quibus vid. Carolus Stephanus Dill. Hist. Geogr. et doctissimus Italus Hirol. Canin. ad 1. H. Tac. c. 79*

(mm) *Nil veritatis habent, quae huc assert Hermannus Hermes cap. 4. de Imp. Ro. illud multo magis mirandum, quod scripsit, Boleslaum ab Otton: M. creatum Regem. Non minus Galli cuiusdam erratum est, qui Lecho primum tribuit insigne regium. Nulla causa, nisi accuratae negligentia lectio. Ignorantiam enim vix tantis tribuerim viris.*

XXXII. Vetera haec sunt. Mittamus. Nec tamen committamus, ut horum memoria exoleseat. Nos desinimus, ne progrediamur ultra legem. Desinendum vero in voto est. Vorum praecedat, quicquid amor publici boni expressit. Struit saepe fortuna vicissitudines. His amovendis comparare praesidium, felicitis regni est. (ee) Comparetis, Sarmatae. Imminent barbari ex diversis locis. Hos depellere, aeternae pretium laudis. Dissidere ab se invicem domi, et pugnare senten-

tentiis, hosti expedit, non vobis. Ante bellum de belli instrumentis cogitandum. Opes, aurum, argentum, bellantium robur, bellorum nervus. (ff) Illa, cum suppetunt, conservanda, cum desunt, acqvirenda. Amittere haec, et inania consecretari, est suppeditare materiam crescendi alijs, aperire viam ambitioni hostis, emere demum periculum brevi et mox cessatura voluptate. Vos, Sarmatae, melioris capaces fortunae, meliorem animum servate. (gg) Vtilitas, gloria ad vos redundabit. Gnara bellandi Nobilitas vobis murus et firmentum. Legiones validae, dummodo concordēs, exitiosae regno, si discordes. Prospicite vobis. Impetus Tatarorum metuendus. His praedandi irritamentum Podolia, quae meridiem spectat. Communitate tandem itinera versus illam terram. Vollhyniam et Borysthenem potissimam curae vestrae partem credite. Quamquam inde iam maior impendeat metus. Vires, opes, cogitationes omnes vertite in bellum externum. Vitae intestinum. Pugnate pro fide regis, pro salute regni. Obtestatur vos Christianus orbis, ut hoc tempore audendo paratissimi, faciendo felicissimi, vincendo admirabiles sitis. Honos Dei est, quem defenditis, libertas vestra, quam propugnatis. Ite ergo ad arma. Numen fortunet armatos, fortunet expeditionem. Festinate, quod agitis. Expectat vos victoria, et invitat.

(cc) Indicandum hic esset, utrum Germaniae finibus metuendum sit a Sarmatis. Quod cum negem ex multis causis, alibi persequendum ex dignitate argumenti est. Interim vid. aut. Not. et striß. p. 62.

(ff) Tac. Hist. II. Pompeius Caimus paral. Polit. part. p. 29.

(gg) Multi hic norant Sarmatae gentem. Alii nec contumeliā abstinere. Graviter monet Starovolskius. Hauriant Poloni, quod salutare est, a Polonico Scriptore. Ceteroquin multae hic lites de scopo Reip. Polonicae. Dissidium omnibus notum, quod inter D. Conringium, et personatum Marinum exarsit. Non ausum me interponere iudicem. Cum prius sentendi rationem habeam.

